

Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat

Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat nr. 62, 25. november 2024-imeersumi § 15 malillugu aalajangerneqarpoq:

Atuuffia

§ 1. Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat malillugu zonenut immikkoortiterinerit aalajangersarneqarnissaannut ingerlatseriaaseq nalunaarutip malittarisassiuuppa.

Nassuiaatit

§ 2. "Zonenut immikkoortiterineq" nunami sumiiffittut paasineqassaaq, Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisanni, §15 naapertorlugu, inuussutissarsiutigalugu ingerlatsinerup inerteqqutigineqarnera imaluunniit killilersorneqarnera Naalakkersuisunut nalunaarut manna malillugu aalajangersassavaat.

Akisussaaffik aamma piginnaasaqarnerup agguarneqarnera

§ 3. Nalunaarummik atulersitsinikkut sumiiffiit zonenut immikkoortiterineri ilaatinneqartut Naalakkersuisut aalajangersassavaat.

Imm. 2. Ingerlatseriaaseq nalunaarummi matumani takuneqarsinnaasoq tunngavigalugu, zonenut immikkoortiterineq Naalakkersuisut aalajangersassavaat.

Imm. 3. Tamarmik immikkut kommuniminna nunaq ilaasa iluanni zonenut immikkoortiterinerup pilersinneqarnissaa pillugu kommunit Naalakkersuisut noqqaavigisinnaavaat.

Zonenut immikkoortiterineq pillugu aalajangersaanermut ingerlatseriaaseq

§ 4. Sumiiffinni immikkut ittuni Naalakkersuisut imaluunniit kommunit malittarisassiorqarnissaanik pisariaqartitsisoqartoq nalilerpassuk, zonenut immikkoortiterineq pillugu aalajangersaanermut

ingerlatseriaaseq aallartinneqassaaq.

Imm. 2. Sumiiffimmi zonenut immikkoortiterinerup Naalackersuisunit aalajangersaavigineqarnissaa sioqqullugu, sumiiffimmi zonenut immikkoortiterinissamik pisariaqartitsinerup qulaajaaffigineqarnissaa siunertaralugu, matumani taamaattoqassappat killilersuinerit suut sumiiffimmut pineqartumut naleqquttuunersut ilanngullugu, kommunit attuumassuteqartut tusarniaavigineqassapput.

Imm. 3. Sumiiffiup zonenut immikkoortiterivigineqarnissaa kommunip suliniutigalugu aallartippagu, kommunip taassuma imaluunniit kommuniit attuumassuteqartut, allakkatigut Naalackersuisunut siunnersuut nassiutissavaat, taannalu sumiiffimmut pineqartumut naleqqanik, sumiiffiup taaguutaanik, kiisalu malittarisassatut siunnersuutigineqartut imaasa allaaserineqarnerannik imaqassaaq, matumani killilersuinerit suut aalajangersarneqartussatut siunnersuutigineqartut ilanngullugit

Imm. 4. Zonenut immikkoortiterinissamik siunnersuut, sumiiffimmi zonenut immikkoortiterinissamik pisariaqartitsineq pillugu nassuiaammik naatsumik imaqassaaq, matumani mianerisassat pingaaruteqarnerpaat, soorlu avatangiisit, pinngortitaq, uumasut, nunalerineq, suliniutit ingerlanneqareersut, kulturikkut eriasissat aamma isumannaatsuunissaaq ilanngullugit.

Imm. 5. Inaarutaasumik zonenut immikkoortiterinermi sumiiffimmi pineqartumi malittarisassat atuuttut isiginiarneqassapput.

Tamanut ammasumik tusarniaaneq

§ 5. Zonenut immikkoortiterinissaaq pillugu siunnersuut tamanut saqqummiunneqassaaq aamma tusarniaanermut piffissaliussaaq minnerpaamik sapaatit akunnerinik 4-nik sivilissusilerlugu akuusunut attuumassuteqartunut aamma soqutiginnittunut attuumassutilinnut tusarniutigalugu nassiunneqassaaq.

Akuersissuteqarnissamut ingerlatseriaaseq

§ 6. § 5 malillugu tusarniaanermut piffissaliussap naanerata kingorna, zonenut immikkoortiterinissaaq pillugu aalajangersaaneq pillugu Naalackersuisut aalajangiissapput.

Naammagittaalliorsinnaaneq

§ 7. Kialluunniit, inuttut ataasiakkaatut aamma inatsisitigut pingaarutilimmik soqutiginnittup zonenut immikkoortiterineq pillugu aalajangiineq naammagittaalliutigisinnaavaa. Zonenut immikkoortiterinerup tamanut saqqummiunneqarnerata kingorna kingusinnerpaamik sapaatit akunneri 4 qaangiunneranni naammagittaalliut Naalackersuisunut tunniunneqassaaq.

Atuutilersitsineq

§ 8. Nalunaarut manna ulloq 4. februar 2025 atuutilissaaq.

Kalaallit Nunaanni Namminersorlutik Oqartussat, ulloq 3. februar 2025

Naaja H. Nathanielsen (atsior.)

Inuussutissarsiornermut, Niuernermut, Aatsitassanut, Inatsisit Atuutsinneqarnerannut
Naligiissitaanermullu Naalakkersuisoq

/ Jørgen T. Hammeken-Holm (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut